



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34458-3
Sarajevo, 17.1.2022. godine

SVIM JAVNIM OSNOVNIM ŠKOLAMA U KANTONU SARAJEVO

n/r direktorice/direktora

Predmet: Obavještenje, dostavlja se

Cijenjeni/Cijenjena,

kao što ste već upoznati, da je Zakonom o izmjenama i dopunama Zakona o osnovnom odgoju i obrazovanju Kantona Sarajevo („Službene novine Kantona Sarajevo“, broj 33/21) definisano da se upis u redovnu školu obavlja u mjesecu februaru, a u izuzetno opravdanim slučajevima i u mjesecu augustu, te da se upis u osnovnu muzičku školu i osnovnu baletsku školu vrši u mjesecu martu, odnosno i augustu, pod uvjetom da se u martu nije prijavio dovoljan broj učenika, te Vas ovim putem obavještavamo Vas da će se upis djece u prvi razred osnovnih škola u Kantonu Sarajevo obaviti u periodu od **1. 2. do 28. 2. 2022. godine** (prvi upisni rok).

Važno je napomenuti, a uvažavajući veoma važan razvojni period djece koji se upisuju u prvi razred osnovne škole, te proces njihovog emocionalnog i socijalnog sazrijevanja u ovom razvojnem periodu, da ćemo u saradnji i konsultacijama sa pedagoškim službama u osnovnim školama u Kantonu Sarajevo, omogućiti i naknadno testiranje učenika koji se upisuju u prvi razred osnovne škole.

Sve škole u Kantonu Sarajevo su u obavezi obavijestiti roditelje/staratelje da se upis djece u prvi razred realizira putem poziva koji će biti objavljen **na web stranici škole**, a putem obrasca „Prijava za upis djeteta u prvi razred osnovnih škola za školsku 2022/2023. godine“, kao i da su u obavezi da telefonskim putem kontaktiraju roditelje (ukoliko imaju kontakt podatke) i obavijeste ih o načinu upisa djeteta u prvi razred, uzimajući u obzir činjenicu da svi roditelji nemaju pristup web stranici, odnosno internetu.

Roditeljima/starateljima učenika potrebno je omogućiti da upis djece mogu vršiti i elektronskim putem, popunjavanjem prijavnog obrasca na e-mail adresu škole.



web: <http://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128,
Sarajevo, Reisa Džemaludina Čauševića 1



Molimo Vas da obrazac koji Vam dostavljamo u prilogu ovog dopisa, bude dostupan u word formatu, kako bi roditelji/staratelji mogli u obrazac popuniti tražene podatke.

Ovim putem Vas obavještavamo da se **dokumentacija** koja je neophodna za upis djece **može** dostaviti odmah pri upisu djeteta, ali **i naknadno**, uzimajući u obzir epidemiološku situaciju uzrokovanu koronavirusom (COVID 19).

Ministarstvo za odgoj i obrazovanje je o upisu učenika u februarskom roku izvijestilo Ministarstvo zdravstva Kantona Sarajevo i Domove zdravlja u Kantonu Sarajevo uz molbu da planiraju organizaciju i realizaciju aktivnosti, radi izdavanja dokumentacije koja je neophodna za upis djece u prvi razred osnovne škole (ljekarsko uvjerenje).

Važno je napomenuti da smo shodno članu 54. stav 6. Zakona o osnovnom odgoju i obrazovanju ("Službene novine Kantona Sarajevo" br. 23/17, 33/17, 30/19, 34/20 i 33/21) **saglasni** sa upisom učenika sa školskih područja **koja ne pripadaju** upisnom području škole, a na zahtjev roditelja/staratelja, ukoliko škola može ispoštovati Pedagoške standarde i normative za osnovnu školu, odnosno ukoliko škola ima kadrovske i prostorne kapacitete.

Želimo našim prvačićima da školsku godinu u septembru provode u svojim učionicama, sa svojim vršnjacima i njihovim učiteljicama/učiteljima, kako bi njihovi prvi školski koraci bili koraci koji vode u ljepšu i sretniju budućnost.

S poštovanjem,

Prilog:

- Prijavni obrazac

Dostaviti:

1. Naslovu
2. A/a.



web: <http://mo.ks.gov.ba>
e-mail: mon@mo.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

